

# Powšitkowne WOZJEWJENJA

njedźelu, 2. nowembra 2014

## TCM – „Łužica pomha“ prosy wo dary za Krupku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ wobnowjenje cyrkwy w Krupce podpěrać. Na tute putniske městno putnikuja młodži a starši katolscy Serbja kóžde lěto pěši, z kołami, awtami abo busami. TCM prosy wěriwych wo šćedriwe dary na konto Cyrill-Methodius-Verein, IBAN: DE65 750 90 300 000 828 23 66, BIC: GENO DEF1 M05 pola banki Liga pod hesłom „Łužica pomha“.

*J. Špitank, předsyda TCM*

## Oratorij „Saul“ předstaji so w Radworju

W Radworskej farskej cyrkwi zaklinči sobotu, 8. nowembra, w 17 hodź. oratorij „Saul“ wot Jakuba Jana Trautzla. Pod nawodom Jana Zástěra spěwaja a hudža Zjednocene chóry Delnich Rudnych hór, komorny orchester Bendův a dujerski kolegij z Drježdźan kaž tež solisća Bronislawa Tomanová (sopran), Miroslava Časarová (alt), Václav Cíkánek (tenor) a David Nikl (bas).

Jakub Jan Trautzl (1749-1834) zastupi jako 21lětny do klóštra w Oseku. Tam nawjedowaše klósterski chór. Wón mnoho komponowaše. Wjace hač 50 lět organizowaše hudźbne žiwjenje w Oseku a jeho wokolinje. Oratorij „Saul“ je jedna z jeho najwuznamnišich twórbow, kotrehož centralny tema je hudźba sama. Tohodla rěka podtitul oratorija tež „Móc hudźby“. Wšitcy su wutrobnje na njewšědne hudźbne předstajenje do Radworja přeprošeni.

## Powědać wo padnjenju murje před 25 lětami

Dom biskopa Bena zarjaduje wot pjatka do njedźele, 7. do 9. nowembra, seminar z rozmołwami, statementami, diskusijemi, zetkanjemi abo ekskursijemi pod temu „25 lět po padnjenju murje“. Tak porěči na přikład sobotu, 8. nowembra, w 15 hodź. dr. Hans-Friedrich Fischer, kotryž časćišo w Chróscicach přebywa, k temje „Cyrkwje a politiski přewrót“. Nadrobnosće k seminarej su w interneće pod [www.posol.de](http://www.posol.de) wozjewjene.

## Nyšpor a procesion ze swěčkami w Róžeńće

Towarstwo Cyrila a Metoda z.t. přepróšuje wěriwych ze wšitkich wosadow na pokutnym dnju srjedu, 19. nowembra, w 16 hodź. k nyšporu do Róžanta, kotremuž přizamknje so procesion ze swěčkami. Z tym ma so džakować za měrliwy politiski přewrót před 25 lětami, spominać na spočatk Prěnjeje kaž tež Druheje swětoweje wójny, prosyć wo zdźerženje hnadowneho městna Róžanta a Božeje přirody we Łužicy kaž tež wo měr a pokoj na zemi.

## Zetkanje samostejacych

Samostejacy ze serbskich wosadow su na zetkanje wutoru, 2. decembra, w 14 hodź. do Domu biskopa Bena w Smochćicach přeprošeni. Nadrobnosće wozjewja so za tydžeń.

## **Zhromadny dzeń přenjawoprawjenskich džěći**

Dekanatne dušepastyrstwo přeprašuje wšitke džěći, kotrež so na přenje swjate wo-  
prawjenje přihotuja, na zhromadny dzeń pod hesłom „Cool kadla – fecich holca“  
srjedu, 19. nowembra, wot 9.00 do 15.00 hodž. do Njebjelčic. Zapocatkuje z Božej mšu  
w cyrkwi. Zajimcy njech so prašu hač do pónđzele, 10. nowembra, pod telefonowym  
čísłom (03 57 96) 8 87 07 we Worklecach přizjewja. Za wudawki dnja zběra so wot  
kóždeho wobdžělnika přinošk, kotryž wučinja tři eura.

## **Zhromadny čas jeničce z papu w Smochćicach**

Pod hesłom „Papa, powědaj raz!“ su nanojo ze swojimi džěćimi wot pjatka do njedže-  
le, 21. do 23. nowembra, do Domu biskopa Bena w Smochćicach přeprašeni. Tam  
móža zhromadnje rjanej dnjej přežiwić. Planowana je na přikład slědženska rally po  
Budyšinje, kotrež přizamknje so wopyt jedneje z wjele wěžow města. Wosebje wažne  
pak je zarjadowarjej, zo mataj nan a džěćo čas za sebje. Zajimcy měli so w Smochćic-  
cach přizjewić, telefonowe číslo (03 59 35) 2 23 17. Tam zhonja tež dalše nadrobnošće.

## **Komedija w Radworju**

Dalše předstajenja komedije „Jedyn Šwjerčik přińdže zředka sam“ budže njedželu,  
9. nowembra, w Radworju. Hrajerjo Chróšćanskeje džiwadłoweje skupiny wšitkich  
wutrobnje přeprašuja.

## **Hromadźa hodowne dary**

Towarstwo swjateje Filomeny z.t. chce tež lětsa džěći a swójby w čěskim Dolnim Poluži,  
w bołharskim měsće Razgradze a wokolnych wsach z hodownymi pakćikami zwjeselić.  
Jich wobsah njeje předpisany. Wotedać móža so pakćiki wot pónđzele do štwórtka,  
17. do 20. nowembra, stajnje wot 17 do 18 hodž. w Smjerdžečanskim kulturnym  
domje. W tutym času přijimuju tohorunja derje zdžeržanu drastu a počehnenja. Dalša  
móžnosć podpěry su pjenježne dary, z kotrychž ma so transport financować kaž tež  
wšelake socialne zarjadnišća podpěrać. Přepokazać móža so na konto St. Filomena  
Verein e.V., IBAN: DE45 855 90 000 037 262 47 01, BIC: GENO DEF1 BZV pola  
Ludoweje banki Budyšin e.G. pod hesłom „Razgrad“ abo „Dolni Poluži“.

*Gerat Róbl, předsyda towarstwa*